

第二集九



焦氏易林卷之四

姤之第四十四

姤 河伯大呼津不可渡往復示故乃無大悔

乾 蒙被恩澤長大成就柔順利貞君臣合好

坤 東山西山各自止安雖欲登望竟不同堂

屯 登山上谷與虎相觸猥為功曹班叔奔北脫

之嘉同

蒙 躓跌未起失利後市不得鹿子

需 結珠懷履卓斯以思為君奴婢



訟 鷄鳴失時民僑勞苦犬吠不休行者稽留
師 陳媯敬仲北典齊姜營丘立適八世大昌
比 鹿畏人匿俱入深谷短命不長爲虎所得死
於牙腹

小畜 言無約結不成券契殷叔季姬公孫爭之
強入委禽不悅於心乃適子南
履 鼓瑟歌舞權悅於酒龍喜張口大悅在後
泰 凶憂災殃日益明章禍不可救王却夷傷
否 水流趨下遂成東海求我所有貿鱸與鯉

同人 陰爲陽賊君不能充舉連失常利無所得
大有 離牀失案龜喪其願都市無會叔季懷恨
謙 壅遏隄防水不得行大慎陽先陰霓伏藏先
歸其鄉

豫 蹇屈復伸東乘浮雲貴寵母前
隨 實沈參伐以義斷割次陸服刑成我霸功
蠱 金泉黃寶宜與我市娶嫁有息利後過母
臨 禹召諸神會稽南山執玉萬國天下安寧
觀 三蟲作蠱踐跡無與勝母盜泉君子不處

噬嗑 花葉隕落公歸樞宅夷卒失民潔已不食

賁 履機懼毀身王子廢終得所欲無有凶害

剝 道理和得仁不相賊君子攸往我有利福

復 合匏同牢姬姜並居壽考長乂

无妄 關雎淑女賢妃聖偶宜家壽母福祿長久

大畜 騅驥脫乳不知子處旋踵悲鳴痛傷我心

頤 知嚴絕理陰孽謀王十日不食困於申亥

大過 鑿諸攻玉無不宜鑿鱗鳳成形得象君子

三人翼事所求必喜 人一作仁鑿諸攻玉者鑿其攻玉之事無不宜鑿者

鑿則必有也

坎 昧暮乘車以至伯家踰梁渡河濟脫無他

離 吾有黍稷委積外場有角服箱運致我藏富

於嘉糧

咸 喜笑且語不能掩口官爵並至慶賀盈門

恒 霧露雪霜日暗不明陰孽為疾年穀大傷

遯 伯去我東髮如飛蓬寤寐長歎展轉空牀內

懷悵恨心摧肝腸

大壯 亡羊補牢張氏失牛駢駟奔走鵠盜我魚

晉 販鼠賣鼃利少無謀難以得家

明夷 西戎為秩幽君去室陳子發難項伯成亂

家人 秋風生哀花落心悲公室多難蒙古氏衰

蒙古一作羊舌

睽 持福厭患去除大殘日長夜盡嘉世蒙恩

蹇 新受大喜福履重來樂且日富足用豐財

解 前頓却躓左跌右逆登高安梯復反來歸

損 夢飯不飽酒來入口嬰女難好媒應不許

益 大都王市稠人多寶公孫宜買資禍萬倍禍當

作貨

夬 兩人俱醉相與悖戾心乖不同爭訟恟恟

萃 身無頭足超躡庶乖不能遠中之道疲休失

利後市

升 三人俱行六日光明道逢淑女與我驥子

困 進士為官不若復田獲壽保年

井 先易後否失我所市騷蘇自苦思吾故事

革 蘇秦發言韓魏無患張子馳說燕齊以安

鼎 武庫軍府甲兵所聚非里邑居不可舍山師之

震 三桃三口莫適所與為孺子牛西氏生咎
 艮 西山東山各自止安雖相登望竟不同堂
 漸 不改柯葉和氣冲適君子所在安無怵惕
 歸妹 將戍繫亥陽藏不起君子散亂太上危殆
 豐 天官列宿五神舍室宮闕完堅君安其居
 旅 左手把水如光與鬼不可得徒
 巽 逐狐東山水過我前深不可涉失利後便
 兌 水瀆魚室來灌吾邑衝破我家與狗俱遊

渙 山險難登澗中多石車馳轉擊重載傷軸擔
 負善躓跌踈右足

節 槽空無實豚彘不食庶民屈竭離其居室
 中孚 執熱爛手大為災咎公孫無賴敗我王室
 小過 三虎上山更相噬嚙心志不親如仇如怨
 既濟 西家嫁女借隣送女嘉我淑姬賓主俱喜
 未濟 克身潔已逢禹巡狩錫我玄圭拜受福祉
 萃之第四十五

萃 蒙慶受福有所獲得不利出城疾人困極

乾 碩鼠四足飛不上屋顏氏淵德未有爵祿

坤 新受大喜福優重職樂且日富

屯 克身潔已逢禹巡狩錫我玄圭拜受福祉之姤

未濟

蒙 置筐失筮輪破無輔家伯為政病我下土

需 機言不發頑不能達齊魯為仇亡我葵丘

訟 亡錐失斧公輪無輔抱其彘器適君子處一本

蒙 二句在訟之下
訟 二句在蒙之下

師 家在海隅撓短深流伯氏難行無木以超

比 德施流行利之四鄉雨師灑道風伯遠殃巡

狩封禪以告成功

小畜 筐傾筮覆畏我公置簡伯無禮太師正食

履 泥滓汚辱棄損溝瀆為眾所笑終不顯祿

泰 獼猴兔走腥臊少肉漏卮盛酒利無所有

否 鹿畏人藏俱入深谷命短不長為虎所得死

於牙腹

同人 南山芝蘭君子所有東家淑女生我玉室

大有 左指右揮邪望侈靡執節無良靈君以亡

謙 爵秩不明爲臣所傷衆陰羣聚共奪日光
豫 穿鼻繫株爲虎所拘王母祝禱禍不成災突
然自來

隨 貧鬼守門日破我盆毀鼠傷綬空虛無子
蠱 襄王束帶鄭人是賴莊公卿士王母憂喜
臨 昭君守國諸夏蒙德異類既同崇我王室
觀 冬藪朽腐當風於道蒙被塵埃左右勞苦
噬嗑 六爻既立神明所告文定吉祥康叔受福
賁 泣涕長訣我心不悅遠送衛野歸寧无咎

剝

三宿無主南行勞苦東里失利喪其珍寶

本卦

同遯

復

大斧破木讒佞敗國東關良工禍及三子晉

人亂邑懷公出走

中孚

乘風上天爲時服軒周旋萬里無有患難

大畜

大樹百根比與山連文君作義受福萬年

頤

陽伏在下陰制祐福生不逢時潛龍隱處

大過

亂頭多憂搔蟲生愁膳夫仲年使我無聊

坎

江河淮海天之都市商人受福國家富有

離 泰山幽谷鳳凰遊宿禮義有序可以求福

咸 水山暴怒懷梁折柱稽難行旅畱連愁苦

恒 阿衡服箱太一載行延時歷舍所之吉昌

遯 三宿無主南行勞苦東里失利喪其珍寶卦本

剝同

大壯 生無父母出門不喜買椒失粟亡我大利

晉 安坐玉堂聽樂行觴飲福萬鍾日受無疆

明夷 登危入厄四時變易春霜夏雪物皆凋落

家人 衣空履穿無以禦寒細小貧屢不能自好

睽 目不可合憂來搔足怵惕恐懼去其邦域

蹇 濟貝贖狸不聽我辭繫於虎鬚牽不得來

解 伯夷叔齊貞廉之師以德防患憂禍不存芳

聲後時

損 張王子季爭財相制商君頑嚚不知所由

益 長城既立四夷賓服交和結好昭君是福

夬 千歡萬悅舉事為決獲受嘉慶動作有福

姤 種一得十日益有息仁政獲民四國親睦

升 安子富有東國不殃齊鄭和親顯比以喜

困 九里十山道仰峻難牛馬不前復反來還
井 鳩杖扶老衣食百口曾孫壽考凶惡不起
革 霧露雪霜日暗不明陰孽爲疾年穀大傷
鼎 迷行數邪不知東西陰強暴逆道理不通
震 登高上山見王白言信理我寃得職蒙恩
艮 三世爲德天祚以國封建少昊魯侯之福
漸 喬木無息漢女難得禱神請佩反手離汝
歸妹 東鄰西家來卽我謀中告吉誠使君安寧
豐 褰衣出戶心欲奔走王孫母驚使我長生

旅 三日不飲遠水無酒晝夜焦喉使我爲咎
巽 衆口銷金愆言不驗腐臭敗兔入市不售
兌 姬冠應門與伯爭言東家失狗意在存爭
亂無怠絕吾所歡

渙 祚加明德與我周國公劉文母福流子孫
節 針頭刺手百病瘳愈抑按捫灸死人復起
中孚 元龜象齒大賂爲寶稽疑當否衰微復起
小過 故室舊廬消散無餘不如新創可以樂居
既濟 老狐多態行爲蠱怪爲魅爲妖驚我王母

終無咎悔

未濟 慶子多材起迹空虛避害如神水不能濡
升之第四十六

升 禹鑿龍門通利水源東注滄海人民得安
乾 白鹿鳴呦呼其老少喜彼茂草樂我君子
坤 百里南行雖微復明去虞適秦爲穆國卿
屯 王孫宜家張名益有龍子善行西得大壽
蒙 畫龍頭頸文章不成甘言善語譎辭無名
需 商子無良相怨一方引鬪交爭咎以自當

訟 衰老困極無齒不食痔病疔瘡就陰爲室
師 鴛生會稽稍巨能飛翱翔桂林爲衆鳥雄
比 安平不傾載福長生君子以寧

小畜 牛驥同槽郭氏以亡國破爲墟君奔走逃
履 日中明德兩國盛典仁聖會遇君受其福臣
多榮祿

泰 公劉之居大王所業可以長生拜受福爵
否 時凋歲寂君子疾病宋女無辜鄭受其殃
同人 濟河踰厄脫母怵惕四序爲衛使惠不廢

大有 缺破不完殘際側偏公孫幽遏跛倚後門
謙 延頸遠望昧爲目病不見叔姬使伯心憂
豫 上無飛鳥下無走獸擾亂未清民勞於事
隨 久陰霖雨塗行泥潦民人休止市空無有
蠱 盲者目張跛倚起行瞻望日月與主相迎
臨 据斗運樞順天無憂與樂並居萬代歡慶
觀 稼穡不偏重適不傾巧言賊忠傷我申生
噬嗑 金城缺郭上下同力政平民歡寇不敢賊
賁 日鏡不明冬災大傷盜花失實十年消亡

剝 鰥寡孤獨命祿苦薄入室無妻武子悲哀
復 飲酒醉飽跳起爭鬪伯傷叔僵東家治喪
无妄 介召微子使君不殆二國合歡燕齊以安
大畜 牽頸繫尾詘折幾死彫世無仁不知所比
頤 東龍究毒不知所觸南北困窮王子危急
大過 疾貧王孫北極無輝祿命苦薄兩守孤門
坎 公孫駕車載遊東齊延陵故產遺季紵衣
離 王良善御伯樂知馬文王東獵獲嘉賢士開
福佑周發且興起

咸 日月不居重耳趨舍遊燕入秦晉國是霸
恒 假文翰翼隨風背北至虞夏國與舜相傳年
歲大樂邑無盜賊

遜 南行北走延頸望食舉口失利累我子孫

大壯 開市作喜建造利事平準貨寶海內殷富

晉 三犬俱走鬪於谷口白者不勝死於坂下

明夷 驕胡火形造惡作凶無所能成還自滅身

家人 拜跪贊辭無益於尤大夫頑嚚使我心憂

睽 辰次降婁王嘉狩巡廣佑施惠萬國咸喜子

孫榮品長安不殆

蹇 牽瑜上樓與福俱遊勞躬治國安樂無憂

解 白鳥銜餌嗚呼其子投杖張翅來從其母

損 盲聾獨宿莫與共食老窮於人病在心腹

益 登木出淵稍上升天明德孔聖白日載熒寵

祿再榮

夬 彭離濟東遷之上庸狼戾無節失其寵功

姤 讚陽上舞神明正氣禹拜受福君使我德居

則厚祿使一作死

萃 從首至足部分為六室家離散逐南乞食
困 民迷失道亂我統紀空使乾華賓無所有先

憂後樂

井 刻畫為飾毛嬙西施求事必得

革 日居月諸遇暗不明長夜喪用絕其紀綱

鼎 衣裳顛倒為王來呼成就東周封受大侯

震 當變立權擿解患難渙然冰釋六國以寧

艮 西戎獯鬻病於我國扶陽之正以保乾德終

無患惑

漸 南行逐羊子利喜亡陰孽為病復返其邦

歸妹 遊戲仁德日益有福凶言不至妖孽滅息

豐 春日新婚就陽日溫嘉樂萬歲獲福大椿

旅 陰升陽伏鬼哭其室相飾不食安巢如棘鬼

癸作

巽 臣尊主卑權威日衰侵奪無光三家逐公

兌 反言為賊戎女生患亂吾國家父子相賊

渙 迎福開戶喜逐我后康伯愷悌治民以禮

節 日就月將昭明有功靈臺觀賞膠鼓作仁

中孚 百草嘉卉萌芽將出昆蟲扶戶陽明所得
小過 天所佑助福至禍去君主何憂

既濟 窮夫失居唯守舊廬初憂中懼終日競競
無悔無虞

未濟 買玉得石失其所欲荷蕢擊磬隱耳無聲
困之第四十七

困 席多針刺不可以卧為身作累動而有悔言
行俱過

乾 鳥鵲食穀張口受哺蒙被恩德長大成就柔

坤 六鵙退飛為襄敗祥陳師合戰左股夷傷遂
順利貞君臣合好

屯 六鵙退飛為襄敗祥陳師合戰左股夷傷遂
以薨崩霸功不成

屯 匍匐出走驚惶悼恐白虎生孫蓐收在後居
中无咎

蒙 庇廬不明使禮德妨女孽亂國虐政傷仁
需 碩鼠四足不能上屋顏氏淑德未有爵祿

訟 襄送季女至於蕩道齊子旦夕留連久處
師 麋鹿遂牧飽歸其居還於次舍樂得自如

比 望尚阿衡太宰周公藩居輔弼福祿來同
小畜 開廓洪緒王迹所居振以公子功德侯時
履 八會大都饒富有餘安民利國可以長居

當作入

泰 陰雲四方日在中央人雖昏霧我獨昭明
否 薄為災虐大風吹却欲上不得復歸其宅
同人 昭昭略略非忠信客言多反覆以黑為白
大有 三女為姦俱遊高國背室夜行與伯笑言
禍反及身冤無所禱

謙 涉尸留鬼大斧所視文昌司過簡公亂死
豫 大足長股利出行道困合充盈疏齒善市宜
以錢富事得萬倍

隨 筐筥錡釜河活百呂伊氏鼎俎大福所起
蠱 升高登虛欲有望候駕之北邑與喜相扶
臨 用彼嘉賓政平且均螟蟲不作民得安寧
觀 桃夭少華婚悅宜家君子樂胥長利止居
噬嗑 東行失旅不知所處西歸無配莫與笑語
賁 玩好亂目巧聲迷耳賊敗貞良君受其殃

剝 明德孔嘉萬歲無虧駕龍巡狩王得所安

復 同本異葉安仁尚德東隣慕義來興古國

无妄 戴山崔嵬日高無頽君王好德賜以嘉國

大畜 築室合歡千里無患周公萬年佑我三人

壽以高遠

頤 養鷄生雛畜馬得駒明堂太學君子所居

大過 雷行相逐無有休息戰于平陸為夷所覆

坎 委蛇循河至北海涯涉歷要荒在世無他

離 鴻聲大視高舉神化背昧皆明以通福功

咸 比目四翼安我邦國上下無患為吾家福

恒 士穀彘季反謀桓子不從元帥遂行挑戰為

荆所敗

遯 三頭六足欲盜東國顏子在庭禍滅不成

大壯 緣山升木中墮於谷子與失勞黃鳥哀作

晉 南有嘉魚駕黃取鱮魴鯉瀾瀾利來無憂

明夷 遂炁作雲蒙覆大臣塞聰閉明殷人賈傷

家人 舉翅攄翼跣望南國延頸卻縮未有所得

睽 坎中蝦蟆乍盈乍虛三夕二朝形消無餘

蹇 僮或射御不知所定質疑著龜孰可避之國
安土樂宜利止居兵寇不作民無騷憂

解 陰淫寒疾水流其室舟楫大作傷害黍稷民
飢於食不無病厄

損 離友絕朋巧言讒匿覆白汚玉顏叔哀哭
益 童女無媒不宜動搖安其室廬傅母何憂一傳

夫 作凶造患北榭困貧東與福連傷我左根一榭

檄作

傍作

姤 東南其戶風雨不處瞻睨仁人父子相俦
萃 被髮獸心難與比隣來如飄風去似絕絃為

狠所殘

升 天覆地載日月運照陰陽允作方內四富
井 桀亂無道民散不聚背室棄家君孤出走

革 申酉敗時陰匿萌作荷葭載牧泥塗不白
鼎 蹀踵足傷左指病瘍失旅後時利走不來

震 四足俱走駑疲在後俱戰不勝敗於東野
艮 塗行破車醜女無媒莫適為耦孤困獨居

漸 搏髀大笑不知憂懼開立大路為王所召

歸妹 伯主東行與利相逢出既遭時孰不相知

豐 東行賊家鄭伯失辭國無貞良君受其殃

旅 前屈後曲形體勁急絞黑大索困於清室

吳 鼓翼大喜行嫁飲酒嘉彼請姜樂我皇考

兌 狐嘈向城三旦悲鳴邑主大驚

渙 明德光敏重華貢舉被勳徵用公哲蒙佑

節 秋隼冬翔數被嚴霜甲兵克庭萬物不生鷄

犬夜鳴民大擾驚 克疑 作充

中孚 絲紵布帛人所衣服摻搔女手紡績繕織

南國饒足取之有息

小過 鳳有十子同巢其母懼以相保富市之地

多財積穀 穀疑 作穀

既濟 雄雞不晨雌雞具呻志疵心離三旅生哀

離一 作輕

未濟 光休出城陳寶雞鳴陽明失道不能自守

消已為咎

井之第四十八

井 躓跛未起失利後市不得磨子

乾 左輔右弼金玉滿堂常盈不亡富如厥倉

坤 兩師娶婦黃巖季女成禮既婚相呼南上膏

澤下土年歲大喜

屯 螟蟲為賊害我嘉穀中留空虛家無所食

蒙 跛躓難步道不及舍露宿澤陂亡其襦袴

需 大夫祈父無地不涉為吾相土莫如韓樂可

以居止長安富有

訟 少孤無父長失慈母悻悻熒熒莫與為耦

師 側弁醉客長舌作凶披髮夜行迷亂相誤亡

失居處

比 馬驚車破王墜深津身絕魂去離其室廬貞

難無虞

小畜 東行述職征討不服健齊伐陳銜璧為臣

大得意還 犬宜作大

履 百足俱行相輔為強三聖翼事王室寵光

泰 根本不固華葉落去更為孤嫗

否 牧羊稻園聞虎喧謹畏懼怵惕終無禍焉

同人 履位乘勢靡有絕弊為隸所圖與眾庶伍
 大有 大輿多塵小人傷賢皇甫司徒使君失家
 謙 安如泰山福祿屢臻雖有狼虎不能危身
 豫 同氣異門各別東西南與凶遇北傷其孫
 隨 蜺見不祥禍起我鄉行人畏懼邑客逃藏
 蠱 養虎畜狼還自賊傷無事招禍自取災殃
 臨 順風吹火幸附驥尾易為功力因權受福
 觀 五岳四瀆沾濡為德行不失理民賴恩福
 噬嗑 延陵聰敏聽樂太史鷄鳴大國姜氏受福

賁 神鳥五氣鳳凰為主集於王國使君得所
 剝 媒妁無明雖期不行齊女長子亂我紀綱
 復 明月作晝大人失居眾星宵亂不知所據
 无妄 少康興起誅澆復袒微滅復明官祀大禹
 大畜 千門萬戶大福所處黃屋在纛龍德獨右
 頤 乾作聖男坤為智女配合成就長住樂所
 大過 羿張鳥號殷射驚狼鐘鼓夜鳴將軍壯心
 趙國雄勇鬪死滎陽

坎 炙魚銅斗張伺夜鼠不忍香味機發為崇崇

在頭頸

離 高飛不視貪叨所在臭腐為患自害其身

一作

竊位貪榮內汚外清
時時暫過日日禍生

咸 鉛刀攻玉堅不可得盡我筋力胝胼為疾

恒 方喙宣口聖智仁厚解釋倒懸歷國安泰

遜 踟躕南北誤入喪國社季利兵傷我心腹

大壯 公孫之政惠而不煩喬子相國終身無患

晉 弧矢大張道絕不通小人寇盜君子塞壅

明夷 藏載之室封豕受福充澤肥膺子孫蕃息

家人 八子同巢心勞相思雉苦無憂

睽 循理舉手典求相予六休相磨終無殃咎

蹇 公子王孫把彈攝丸發輒有獲室家饒足

解 井者有悔渴蜺為怪不亟徒鄉家受其殃徒當

徒作

損 鄭澮有聲國亂失傾弘明早見止樂不能

益 穿室鑿墻不直生訟褰衣涉河雖勢無功

夬 胎卵胞乳長大成就君子萬年動有利得

姤 五心乖離各引是非草適為主道路塞壅

萃 百柱載梁千歲不僵大願輔福文武以昌
升 營城洛邑周公所作世連三十年歷七百福

佑豐實堅固不落

連當作運
七當作八

困 從叔旅行食於東昌嘉伯悅喜與我芝香

革 失耳聾蔽不曉聲味委以鼎俎方始亂憤

鼎 訾媿開門鶴鳴彈冠文章進用舞韶和鸞三

仁翼政國無災殃

震 遊魂六子百木所起三男從父三女隨母至

已而足各得其所

艮 兩山萌使萃君媚好皇女長婦多孫衆子

漸 黃蛭之野賢君所在榮段為相國無災殃

歸妹 穿鑿道路為君除舍開闢福門喜在我隣

豐 商風數起天下昏晦旱魃為虐七凡兵作

旅 自衛反魯時不我與冰炭異室仁道閉塞

巽 春陽生草夏長條枝萬物蕃滋充實益有

兌 六蛇奔走奔入茂草驚於長住畏懼喙口

渙 明月照夜使暗為晝國有仁賢君尊於故

節 避地東走及入虎口制於爪牙骨於灰土

中孚 傾迭不行弱走善僵孟縶無良失其寵光
小過 十年俱見黃頭爲首歲尾民安國樂无咎
既濟 望風入門來到我隣鋪吾養均

未濟 登高連返視失彌遠虎口不張害賊消亡
革之第四十九

革 馬眠長股宜行善市皆蒙福佑獲金三倍

乾 高原峻山陟大小泉草木林麓喜得所蓄

坤 一門二關結弭不便峻道異路日暮不到

屯 憂患解除喜至慶來坐立權門與樂爲隣

蒙 疎類異路心不相慕牝牛牡豨鰥無室家

需 太王爲父王季孝友文武聖明仁政興起且

隆四國載福綏厚

訟 臨河求鯉燕婉笑弭屏氣攝息不得鯉子

師 買利求福莫如南國仁德所在金玉爲寶

比 白虎赤憤門觀王庭宮闕被甲大小出征天

下煩憤育不能嬰

小畜 子車鍼虎善人危殆黃鳥悲鳴傷國無輔

履 兩目失明入暮無光脛足跛步不可以行頓

於丘傍

泰 羅網四張鳥無所翔征伐困極饑窮不食

窮

作寒

否 伯夷叔齊貞廉之師以德防患憂禍不存

歸妹

之臨泰之乾比之剝

同人 疾貧望幸使伯行販開牢擇羊多得大牂

夫之觀否之坎

大有 南山之楊其葉將將嘉樂君子為國寵光

謙 東壁餘光數暗不明主母嫉妒亂我事業

豫 迷行晨夜道多湛露沾濡襦袴重不可步

隨 目矐足動嘉喜有頃舉家蒙寵

蠱 鷹鷄欲食雉兔困急延頸見尾為我所賊

臨 鼻移在項枯葉傷生下枯上榮家擾不寧失

其金城

觀 飛不遠去汝為內傷祿養未富終無災咎君

善安止

噬嗑 倒基敗筥重舌作凶被髮長夜迷亂相誤

深亡吉居

賁 亥午相錯敗亂緒業民不得作

剝 野麋畏人俱入山谷命短不長為虎所得死

於牙腹

復 秋冬探巢不得鵲鷦銜指北去愧我少姬觀之

屯

无妄 雙鳧俱飛欲歸稻池經涉藿澤為矢所射

傷我胃臆屯履咸同

大畜 天門開闢牢戶寥廓桎梏解脫拘囚縱釋

小畜之泰 蹇之謙

頤 尼父孔丘善釣鯉魚羅網一舉得獲萬頭富

我家居漸之明夷

大過 彭生為妖暴龍作災盜堯衣裳聚跖荷兵

青禽照夜三日夷亡

坎 華言風語亂相誑誤終無凶事安寧如故咸之

頤

離 延頸見足身困名辱欲隱避仇為害所滅

咸 無足斷垠居處不安凶惡為殘君臣相得一作

君臣得安和合於天 係下奠上大相蒙湛

恒 三人俱行北求大祥孟長病足借季負糧柳
下之貞不失驪黃

遯 退飛見祥傷敗毀墜守小失大功名不遂
大壯 持心懼怒善搖數動不安其處散渙府藏

利得無有
晉 牽尾不前逆理失臣怒翔以奔

明夷 祿如周公建國洛東父子俱封
家人 君有八人信允篤敏為堯所舉

睽 久陰霖雨泥塗行潦商人休止市空無有

蹇 無足斷垠居處不安凶惡為殘 夬之
大過

解 馬蹄躓車婦惡破家青蠅汚白恭子離居

損 噂噂所言莫如我垣懽樂堅固可以長安 乾
之

困大有
之屯

益 懿公淺愚不受深謀無援失國為狄所滅

夬 騏驥綠耳章明造父夙伯所獻襄續厥緒佐

文成伯為晉元輔

姤 駕車十里求鮮魴鯉非其肆居自今後市

萃 求麇嘉鄉惡地不行道止中返復還其牀

升 使鳩負裝醉卧道傍不知何公竊我衣囊
困 登崑崙入天門過槽丘宿玉泉開惠觀見仁
君

井 木為大牀患厭不起季伯夜行與善相逢

鼎 烏孫氏女深目黑醜嗜欲不同過時無耦

震 子鉏執麟春秋作陰元聖將終尼父悲心之豫

有大

艮 灼火泉源釣魴山巔魚不可得火不肯燃之鼎

旅

漸 天馬五道炎火久處往來上下作文紉已衣

泉絲麻相隨笑歌凶惡如何

歸妹 鳴鴉破斧冲人危殆賴旦忠德轉禍為福

危傾復立否之 蠱同

豐 壯飛關啓憂患大解不為身禍

旅 石門晨門荷蕢食貧遁世隱居竟不逢時

巽 兔聚東郭衆犬俱獵圍缺不成無所能獲

兌 三羊羣走雉兔驚駭非所畏懼自令勞苦

渙 羽翮病傷無以為強宋公德薄敗於水泓

節 姬姜稚叔三人偶食論仁議福以安王室
中孚 精誠所在神人為輔德教亡患彌世長久
三聖仍事多受福祉

小過 岐周海隅獨樂不憂可以避難全身保財
既濟 孤獨特處莫為依輔心勞志苦

未濟 顧望登臺意常欲逃買辛醜惡妻不安夫

鼎之第五十

鼎 積德之君仁政且温伊呂股肱國富民安
乾 傾筐卷耳憂不能傷心思古人悲慕失母

坤 卻叔賈貸行祿多悔利無所得

屯 蹶足狂跛怪碎不行棄捐平人名字無申

蒙 文王四乳仁愛篤厚子畜十男夭折無有
需 容民畜眾不離其君

訟 三雛相逐蠅墜釜中灌沸潦殪與母長決

師 所望在外鼎令方來拭爵滌鬯炊食待之不
為季憂

比 陸居少泉高山無雲車行千里塗污爾輪亦
為我患

小畜 東家殺牛汚鼻腥臊神背西顧命絕衰周

毫社災燒宋人夷誅 睽之明夷

履 長子入獄婦饋母哭霜降旬日嚮晦伏法

泰 溫山松柏常茂不落鳳凰以庇得其歡樂

否 大屋之下朝多君子德施溥育宋受其福

同人 羅張目列圍合月缺採捕無功魚鳥得脫

大有 羔裘豹衣高易我字君子維好至老無憂

謙 大頭明目載受福善三雀飛來與祿相得

豫 銷鋒鑄鋸縱牛放馬甲兵解散夫婦相保 晉同

隨 吉月車攻田弋雙禽宣王飲酒以告嘉功

蠱 商人行旅資無所有貪貝逐利留連王市輶

轅內安君子何咎

臨 火入井口陽芒生角犯歷天門窺見太微登

上玉牀家易其公

觀 秋隼冬翔數被嚴霜甲兵充庭萬物不生雄

父夜鳴民擾大驚

噬嗑 東行西步失其次舍乾侯野井昭君喪居

賁 腫脛病腹陷廁汚辱命短時極孤子哀哭

剝 切膚近災虎絕我鬚小人橫暴君子何災
復 女室作毒爲我心疾和弗能治晉人赴吉
无妄 兵征大宛北出王門與胡寇戰平城道西
七日絕糧身幾不全

大畜 十子夫九莫適與居貞心不宣至今名孤
頤 車行稻麥遂至家國樂土無災君子何憂
大過 作室山根所以爲安一夕崩巔破我饗食
坎 六人俱行各遺其囊黃鵠失珠無以爲明
離 伯蹇叔育莫爲守裝失我衣裳我是陰邦

咸 褒寵溢尤敗政傾家覆我宗國秦滅周室
恒 詭言譯語仇禍相得水入炭室消滅不息
遯 彭生爲妖暴龍作災盜堯衣裳聚跖荷兵青

禽照夜三日夷亡

大壯 朝暮日月四馬過隙歲短期促時難再得
晉 耳闕道喪所爲不成所求匪得

明夷 申公患楚危不自安重耳出奔側喪其魂
家人 南上泰山困於空桑左沙右石牛馬無食
睽 海隅遼右福祿所在柔嘉義禮九夷何咎

寒陽春生長萬物茂壯垂秋布葉君子比德
解低頭竊視有所畏避行作不利酒酸魚敗衆
莫貪嗜

損左輔右弼金玉滿堂常盈不亡富如厥倉師之

歸妹

益坐朝垂軒探德宰民虞叔受命六合和親

夬東行西走喪其犬馬南求驕驪失車林下

姤砥德礪材果當成周拜受大命封為齊侯

萃西逢王母慈我九子相對歡喜王孫萬戶家

蒙福社

升安坐玉牀聽韶行觴飲福萬歲曰壽無疆

困登高望家役事未休王事靡盬不得逍遙

井擊鼓陷陔不得相踰章甫文德福厭禍消

革追亡逐北呼還幼叔至止而德復歸其室

震老猾大偷東行盜珠國於噬敖幾不得去

艮禹召諸神南山會稽執玉萬國天下康安姤之

臨

漸切切怛怛如將不活黍稷之恩靈輒以存獲

生保年蒙之損

歸妹 俟叔興起季子富有照臨楚國蠻荆是安

豐 白馬駿騮更生不休富我商人利得如丘

旅 灼火泉源釣魴山巔魚不可得火不肯燃革之艮

艮

巽 避患東西反入禍門糟糠不足憂動我心

兌 我王多寵商人惶恐生其禍心使我危殆終

無災咎

渙 虎饑欲食見獮而伏禹通龍門避咎除禍元

醜以安

節 安民呼池玉杯大案泉如白蜜一挹獲願

中孚 雙鳧鴛鴦相隨羣行南至饒澤食魚與梁

君子樂長澤一作洋

小過 蔡侯朝楚留連江渚踰時歷月思其君后

既濟 膠車駕東與雨相逢五蔡解墮頽杌獨坐

憂為身禍

未濟 螟蟲為賊害我稼穡盡禾殫麥秋無所得

同人之節 豫之謙

震之第五十一

震 枯瓠不朽利以濟舟渡踰江海無有溺憂

乾 陷塗溺水火燒我履憂患重累

坤 旦生夕死名曰嬰鬼不可得祀小畜

屯 揚水潛鑿使石潔白衣素表朱遊戲臯澤得

君所願心志娛樂豫之大過

蒙 眾身所翔中有大怪九身無頭魂驚魄去不

可以居

需 別根枯株不生肌膚病在於心身以焦枯

訟 府藏之富王以振貧捕魚河海罟網多得損

睽坎之大過

師 一莖九曬更用牽攀安明俯仰不得東西讚

讞當決日午被刑

比 耄老鮑背齒牙動搖近地遠天下入黃泉

小畜 羊蛇叔虎野心善怒贖貨無厭以滅其身

履 訐疑八子更相欺給管叔善政不見邪期

泰 絆逃不遠心與言反尼丘顧家茅簞朱華

否 蟬蛸戴盆不能上山搖推踉蹌頓傷其顏

同人朝露不久為恩惠少膏澤欲盡咎在枯槁
 大有河伯之功九州攸同載祀六百光烈無窮
 謙三人北行大見光明道逢淑女與我驥子
 豫金精耀怒帶劍過午徘徊高庫宿於木下兩
 虎相距弓弩滿野
 隨江河淮海天之與府眾利所聚可以富有安
 樂無憂

蠱不虞之患禍至此門奄忽暴卒病傷我心
 臨畫龍頭角文章未成甘言美語說譯無名

觀缺破不成胎卵不生不見兆刑晉之益

噬嗑旁行不遠三里反復心多畏惡日中止舍

賁四賔不安兵革為患探我妻子家復饑寒

剝喜來如雲舉家蒙歡眾財君子嘉福盈門睽之

豐

復載金販狗利棄我走藏匿淵底折晦為咎艮之

革

无妄日中為市各抱所有交易貨賄函珠為寶
 心悅歡喜

大畜 日趨月步周遍次舍經歷致遠無有難處
 頤 陽明失時陰凝為憂主君哀泣喪其元侯
 大過 年衰歲暮精魂遊去形容稍枯哀子相呼
 坎 少無功績老困失福跌行跛踣不知所立
 離 持心耀日善數搖動自東徂西不安其處渙
 散府藏無有利得

咸 齋貝贖狸不聽我辭繫於虎鬚牽不得來

需

否革同人
否隨師

恒 老狼白獺長尾大胡前顛後躑岐人悅喜

遯 背地相憎心志不同如火與金君猛臣
 行兔伏

大壯 夏臺姜里湯文厄處鬼侯歎醢岐人悅喜

晉 牙孽生齒螳螂啓戶幽人利貞鼓翼起舞

明夷 烈女無夫閔息苦憂齊子無良使我心愁

家人 踐履危難脫厄去患入福喜門見我大君

我一
作海

睽 折臂接手不能進酒析杞閑曠神怒弗喜

蹇 蟻封戶穴大雨將集鵲數起鳴牝鷄歎室相

薨雄文來到在道

解 胡俗戎狄太陰所積涸冽沍寒君子不存

損 翁翁鞫鞫稍頽崩顛滅其令名身不得全

益 螟蟲為賊害我稼穡盡禾殫麥秋無所得

夬 三鳥飛來自我逢時俱行先至多得大利

姤 龍馬上山絕無水泉喉唇焦乾渴不可言

萃 春生子乳萬物蕃熾君子所集禍災不至

升 王孫季子相與為友明允篤誠升擢薦舉大有

過之小

困 六明並照政入有統秦楚戰國民受其咎

井 蠓竦克側佞人所惑女謁橫行正道壅塞

革 登崑崙入天門過糟丘宿玉泉開惠觀見仁

君 比之姤 革之困

鼎 體重飛難未能越關不離空垣

艮 玄黃虺隤行者勞罷天樵悴踰時得歸乾

革師之臨 得作不

漸 孔德如玉出於幽谷飛上高木鼓其羽翼輝

光照國 同人 之坎

歸妹 火雖熾在吾後寇雖衆在吾右身安吉不

危殆

豐 旃裘羶國文禮不飾跨馬控弦伐我都邑

需

旅 被髮八十暮德獻服邊鄙不聳以安王國

巽 心得所好口常欲笑公孫蛾眉鷄鳴樂從

兌 馬西負乘見邑之野并獲梁稻喜悅无咎

渙 高飛視下貪饕所在腐臭爲患害於躬身

節 東行西步失其次舍乾侯野井昭公求居

鼎

嗑

中孚 神鳥五彩鳳凰爲主集於山谷使年歲

小過 石門晨門荷蕢疾貧遁世隱居竟不逢時

革之

既濟 齟齬齧貧鬼相責無有懼怕一日九結

未濟 白日揚光雷車避藏雲雨不行爲止其鄉

艮之第五十二

艮 君孤獨處單弱無輔名曰困苦輔心湧泉碌

碌如山

乾 憂驚已深禍不為災安全以來

坤 穿匏浥水構鐵熒火勞疲力竭飢渴為禍

屯 蹇牛折角不能載粟災害不避年歲無穀

蒙 邑將為墟居之憂危

需 根別樹殘花葉落去卒逢火煖隨風僵仆

訟 元后貪欲窮極民力執政乖劣為夷所覆

師 北山有黍使叔壽考東嶺多粟宜行賈市陸

梁雄雉所至利喜

比 高原峻山陸土少泉草木林麓嘉禾所災

小過 辰次降婁王駕巡狩廣施德惠國安無憂

履 鞣鞣輶輶歲暮偏弊寵名復棄君衰於位

泰 放銜委轡奔亂不制法度無常君失其位

否 獨登西垣莫與笑言秋風多哀使我心悲

同人 脛急股攣不可出門暮速羣旅必為身患

大有 情偽難知使我偏頗小人在位雖聖何咎

謙 黍稷醇醲敬奉山宗神嗜飲食甘雨嘉祥庶

物蕃茂時無災咎獨蒙福祉

豫 公子王孫把彈攝丸發輒有獲室家饒足

隨 陰升陽伏舜失其室元元赤子相餒不食
蠱 七竅龍身造易八元法天則地順時施恩引
和貴長以富永存

臨 逐狐東山水過我前深不可涉失利後便之姤

與漸之夬
蒙之蠱

觀 銜命辱使不堪其事中墜落去更爲負載

噬嗑 溫仁君子忠孝所在八閩爲儀禍災不起

賁 春多膏澤夏潤優渥稼穡熟成數獲百斛師

行以律霸功不遠

剝 一女同室心不聊食首髮如蓬憂常在中

復 築闕石顛立本泉源病疾不安老孤爲隣

无妄 欲避凶門反與禍隣顛覆不制痛薰我心

大畜 馭行竊視有所畏避狸首伏藏以夜爲利

頤 八面九口長舌爲斧斲破瑚璉殷商絕後

大過 和氣相薄膏澤津液生我嘉穀

坎 消金鑄兵雷車不行民安其鄉

離 秦儀機言解其國患一說燕下齊相以權

咸 旦奭輔王周德孔明越裳獻雉萬國咸寧

恒 弱足朋跟不利出門賈市無過折亡為患

遯 堅冰黃鳥常哀悲愁不見甘粒但覩藜蒿數

驚鷲鳥為我心憂

乾之噬嗑 益之大過

大壯 魂微憊憊屬續聽絕豁然大通復更生活

晉 陰生麋鹿鼠舞鬼谷靈龜陸處

一云靈鼠陸處 鬼哭鼠舞

釜甑草土人知敗國桀亂無緒

明夷 鑿諸攻玉無不穿鑿龍體吾舉魯班為輔

舞鳳成形德象君子

家人 山作天時陸為海口民不安處

睽 東風啓戶隱伏懽喜萌庶蒙恩復得我子

蹇 華燈百枝植暗衰微精光欲盡命如灰糜

解 三十無室寄伯桑中上宮長女不得樂同

損 卵與石鬪糜碎無處勤而有悔出不得時

動作

益 尋兵爭強失其貞良敗我殺鄉

夬 虐除善疑難為攻醫驥窮鹽車困於銜御

姤 操笥搏狸荷射射魚非其器用自令心勞

萃 葵丘之盟獻晉會庭見太宰辭後秦還興

升 牘詐龐子夷竈書木伏兵率發矢至如雨魏
師驚亂將獲為虜

困 南行出城世得大福王姬歸齊賴其所欲以
安邦國

井 冬采薇蘭地凍堅難雖利奔走暮無所得堅難

一作水堅

革 王喬無病狗頭不痛亡破失履之我欲送

鼎 宛馬疾步盲師坐御自不見路中止弗到

震 求我難國亡去我地憂歸其城反為我賊

漸 比目四翼安我邦國上下無思為我嘉福

歸妹 八材既登以成嘉功龙降庭堅國無災凶

豐 稍弊穿空家莫為宗奴婢逃走子西父東為
身作凶

旅 鳥舞國城邑懼卒驚仁德不修為下所傾

巽 五穀不熟民苦困急駕之南國嘉樂有得

兌 黃裳建元病得在身福佑洋溢封為齊君賈
市無門富貴多殮

渙 齊東郭廬續於洛都駿良美好利得萬倍

節 安牀厚褥不得失宿棄我嘉宴困於南國投
杼之憂不成禍災

中孚 內崩身傷中亂無恒雖有美粟不其得食
小過 出門逢患與禍為怨更有挐刺傷我指端

既濟 出入節持南北無憂行者即至在外歸來
未濟 公孫駕車載遊東齊延陵說產遺季紵衣

漸之第五十三

漸 別離分散長子從軍稚叔就賊寡老獨安莫
為種瓜

乾 豆種穀豆暮成藿羹心之所願志快意愜

坤 牡飛門啓憂患大解不為身禍

屯 東山西山各自止安雖相登望竟未同堂
之姤

艮坤

蒙 眾鳥所翔中有大怪九身無頭魂驚魄去不

可以居 震之蒙

需 交侵如亂民無聊賴追我濟西狄人便殫

訟 麟鳳所翔國無咎殃賈市十倍復歸惠鄉

師 鑿井求玉非卞氏宅身困名辱勞無所得

比 文山鴻豹肥脂多脂王孫獲願載福巍巍

小畜 周成之隆刑措除凶太宰費祐君子作仁

履 珪璧琮璋執贄見王百里甯戚應聘齊秦需之

井否之訟

泰 穿空漏弊破桴殘缺陶弗能治瓦甃不鑿

否 鴻飛循陸公出不復伯氏客宿損之

同人 蝦蟇羣聚從天請雨雲雷連集應時輒下

得其所願大過之升

大有 先弱無子不能自理為民雖憂終不離咎

管子治國侯伯賓服乘輿八百尊我桓德

謙 搖梅折枝與母別離絕不相知

豫 盛中不絕衰老復拙盈滿減虧瘕瘳脂肥鄭

昭失國重耳興起一云盛去必衰羸去却肥鄭昭失國重耳得時

隨 聞虎入邑心欲逃匿走據陽德不見霍叔絕

無憂慝

蠱 隨時逐便不失利門多獲得福富於封君

臨 禹作神鼎伯益銜指斧斤既折幢立獨倚賣

市不售枯槁為禍

觀 春鴻飛東以馬質金利得十倍重載歸鄉
噬嗑 金齒鐵牙壽考宜家年歲有餘貪利者得
雖憂无咎

賁 膏澤沐浴洗去污辱振除災咎更與壽福

一作德

剝 履皆登墀高升峻巍福祿洋溢依天之威

復 坤厚地德庶物蕃息平康正直以綏大福

无妄 絕域異路多所畏惡使我驚惶思吾故處

大畜 襁褓孩幼冠帶成家出門如賓父母何憂

遯之恒

頤 一尋百節綢繆相結其指詰屈不能解脫

大過 鷹鷂獵食雉兔困極逃走見尾為人所賊

坎 危坐至暮請求不得膏澤不降政行弗惑

離 剛柔相呼二姓為家霜降既同惠我以仁

咸 慈母念子饗賜德士蠻夷來服國人懽喜

恒 良夫孔姬負悝登臺樂季不扶衛輒走逃

遯 子長忠直季氏為賊禍及無嗣司馬失福

大壯 節慶之德不涉亂國雖昧無光民受大福

晉 驅羊南行與福相逢狼驚我馬虎盜我子悲

恨自咎

明夷 尼父孔丘善釣鯉魚羅網一舉獲利萬頭

富我家居

家人 本根不去華葉落去更為孤嫗

睽 設罟捕魚反得居諸負困竭忠伍氏夷誅

蹇 敏捷亟疾如猿集木彤弓雖調終不能獲

解 冠帶南行與福相期邀於嘉國拜為逢時

損 年豐歲熟政仁民樂祿入獲福

益 築闕石巔立基水源疾病不安老孤無隣

夬 逐狐東山水遇我前深不可涉失利後還蒙之

蠱 姤之異 夬之歸

姤 麟子鳳雛生長嘉國和氣所居康樂温仁邦

多聖人

萃 西行求玉莫得下璞反得凶惡使我驚惑

升 心狂志悖聽視聾盲正命無常下民多孽

困 高國少子才略美好求我長女賤薄不與反

得醜惡後乃大悔噬嗑之夬

井 逶迤高原家伯妄施亂其在官

革 謝恩拜德東歸吾國歡樂有福

鼎 鷄鳴同舉思配無家執佩持鳧莫使致之

震 凶重憂慮身受誅罪神不能解

艮 虎豹熊羆遊戲山谷仁賢君子得其所欲謙

中孚

歸妹 海隅遼右福祿所至柔嘉蒙祉尤夷何咎

豐 華首之山仙道所遊利以居止長無咎憂謙

井

旅 甲乙戊庚隨時轉行不失常節萌芽律屈咸

達生出各順其類歸妹之同人

巽 跋躓未起失利後市不得鹿子

兌 惟恃自負不志於下血從地出誅罰失理

渙 江河淮海天之都市商人受福國家饒有

節 節情省慾賦歛有度家結人足且貴且富

中孚 牝馬鳴响求呼其潦雲雨大會流成河海

小過 日月之塗所行必到無有患故

既濟 乘風而舉與飛鳥俱一舉千里見吾愛母

明夷之鼎

未濟 陰配陽事卧木反立君子攸行喪其官職

歸妹之第五十四

歸妹 堅水黃鳥常悲哀鳴不見其粒但歡藜荆

數驚鷲鳥為我心憂

乾 荆木冬生司寇緩刑威權在下國亂且傾

坤 喘牛傷暑弗能耕畝草菜不闢年歲無有

屯 魚欲負流眾不同心至德潛伏

蒙 春耕有息秋入利福獻祈大猷以樂成功

需 生有聖德上配太極皇靈建中授我以福人

之需

訟 右撫琴頭左手援帶凶訟不已相與相戾失

利而歸

師 炙魚拈斗陰倚碩鼠舌不息味譏發為崇笮

不得去

比 申酉說服牛馬休息君子以勞者得權

小畜 堯門尹爵聖德增益使民不疲安無怵惕

履 孤公寡婦獨宿悲苦目張耳鳴莫與笑語訟之

歸妹

泰 外得好畜相與嫁娶仁賢集聚諮詢厥事傾
奪我城使家不寧

否 煎砂盛暑鮮有不朽去河三里敗我利市老
手育馬去之何悔

同人 甲乙戊庚隨時轉行不失常節萌芽律屈
咸達出生各樂其類旅

大有 依宵夜遊與君相遭除解煩惑使心不憂
謙 無有絕明巧言為讒覆白污玉顏叔哀音

豫 逐利三年利走如神展轉東西如鳥避丸

隨 隄防壞決河水泛溢傷害稼穡民流去室君

孤獨宿沒溺我邑

蠱 陰陽隔塞許嫁不答旄丘新臺悔往歎息晉

无妄

臨 伯夷叔齊貞廉之師以德防患憂禍不存泰

乾革之否
比之剝

觀 陽為狂悖拔劍自傷為身生殃明夷
之井

噬嗑 進士為官不苦服田獲壽保年

賁 耕石不生弃禮無名縫衣失針襦袴弗成

剝 靈龜陸處一旦失所伊子復耕桀亂無輔

復 室當原口漂溺為海財產殫盡衣食無有

无妄 鷄方啄粟為狐所逐走不得食惶懼喘息

大畜 家在海隅繞旋深流豈敢單行無木以趨

頤 他山之錯與瓊為仇來攻吾城傷我肌膚國

家騷憂明夷之井

大過 弊鏡無光不見文章少女不嫁棄於其公

坎 大蛇巨魚相輔殺之君臣隔塞郭公失廬

離 絕世無嗣福祿不存精神渙散離其躬身

咸 文君之德養人致福年無胎夭國富民寶憂

者之望曾參盜息

恒 合歡之國喜為我福東岳南山朝濟成恩

遯 憂人之患履悖易顏為身禍殘率身自守與

喜相抱長子成考封受福祐

大壯 太公避紂七十隱處卒逢聖文為王室輔

明夷之坤

晉 江漢上流政逆民憂陰代其陽雌為雄公

明夷 縮縮亂絲舉手為災越畝逐兔濡其衣袴

家人 臭穢腐木與狼相輔亡夫失子憂及父母

睽 剗羊不當女執空筐兔跛鹿蹄緣山墜墮讒

佞亂作

蹇 拔劍傷手見敵不喜良臣無佐困憂為咎

解 三殺五牲相隨俱行迷入空澤循入直北經

涉六駁為德傷敗

損 爭鷄失羊亡其金囊利得不長陳蔡之患賴

楚以安 恒之

益 三灑負衡南取芷香秋蘭芬馥盈滿神匱利

我仲季

夬 孟春巳丑哀呼仲父明德訖終亂虐滋起

姤 履不容足南山多葉家有芝蘭乃無病疾葉

草作

萃 三足無頭弗知所之心在精傷莫使為明不

見日光

升 戴堯扶禹從喬彭祖西過王母道路夷易無

敢難者 離師之

困式微式微憂禍相半隔以巖山室家分散
 井靈龜陸處一旦失所伊子復耕桀亂無輔
 革仁德覆洽恩及異域澤及殊方禍災隱伏蠶
 不作室寒無所得

鼎夏麥麴麴霜擊其芒疾君敗國使年天傷

震火雖熾在吾後寇雖多在吾右身安吉不危

始震之歸妹大有之需

艮遼遠絕路客宿多悔頑嚚相聚生我畏惡明夷

之小畜

漸懸懸南海去家萬里飛兔裏駿一日見母除

我憂悔

豐困而後通難厄不窮終得其願姬姜相從

旅西賈邑蜀寒雪已沒欲前不得還反空室

巽作新初陵爛焰難登三駒推車躓頓傷頤

兌延頸望酒不入我口深目自苦利得無有幽

人悅喜

渙仲春孟夏和氣所舍生我喜福國無殘賊

節張網捕鳩兔離其災雌雄俱得為且所賊離當

作

中孚 三人俱行一人言北伯仲欲南少叔不得
中欲分道爭鬪相賊

小過 然諾不行欺給誤人使我露宿夜歸温室
神怒不直鬼擊其目欲求福利適反自賊

既濟 陳辭達誠使安不傾增祿益壽以成功名

明夷之晉

未濟 火燒公牀家破滅亡然得安昌先憂後喪
豐之第五十五

豐 清懦行賈徑涉山阻與狄為市不憂危殆利
得十倍

乾 鼎足承德嘉謀生福為王間庭得心所欲

壯大

坤 曳綸江海釣魴與鯉王孫列俎以饗仲友

屯 東山臯落叛逆不服典師征討恭子敗覆

蒙 千里駢駒為王服車嘉其驪榮君子有成

需 三龍北行道逢六狼莫宿中澤為禍所傷

訟 天災所遊凶不可居轉徙獲福留止危憂

師 狐狸雉兔畏人逃去分走竄匿不知所處益之

解睽之大有

比 雨師娶婦黃巖季子成禮既婚相呼南上膏

潤下土年歲大有 損之益井之坤恒 之晉本卦之大過

小畜 外棲野鼠與雉為伍瘡痍不息即去其室

履 天命絕後孤傷無主彷徨兩社獨不得酒

泰 鵠思其雄欲隨鳳東順理羽翼出次日中傾

流北邑反復其室 明夷之益需 之離益之觀

否 蛟蛇九子長尾不殆均明光澤燕自受福

同人 日走月步趨不同舍夫妻反目君主失國

小畜之同人 謙之睽

大有 定房戶室括薪除毒文德淵府害不能賊

一作宣房戶 室括卿深毒

謙 東齊郭廬嫁于洛都駿良美好多好讓主利

得過倍

豫 病篤難醫和不能治命期終訖下即蒿里臨之

益

隨 開郭聚業王迹所起姬德七百振以八子

豐年多儲河海饒魚商客善賈大國富有
臨 鵠求魚食過彼食邑繒加我頸繳挂羽翼欲
飛不能為羿所得

觀 望城抱子見邑不殆公孫上堂文君悅喜

噬嗑 左指右麾邪侈靡靡執節無良靈君以亡

賁 日中為市各持所有交易資賄函珠懷寶心

悅歡喜泰之

剝 山沒丘浮陸為水魚燕雀無廬

復 馬服長股宜行善市蒙祐諧偈獲利五倍終日

在市詰朝獲利既
享嘉福得久乃幾

无妄 三狸捕鼠遮遏前後死於國城不得脫走

離之
遯

大畜 鬼舞國社歲樂民喜臣禮於君子孝於父

頤 慈母望子遙思不已久客外野我心悲苦

大過 雨師娶婦黃巖季子成禮既婚相呼南上

膏潤下土年歲大有損之益恒之晉井
之坤本卦之比

坎 兩狗圍室相咬爭食狂矢西流射我暴國高

宗伐鬼三年乃服

離 早霜晚雪傷禾害黍損功棄力飢無可食離

蠱

咸 腐臭何在青繩集聚變白為黑敗亂邦國君

為臣逐失其寵光

恒 牽羊不前與心戾旋聞言不信誤給丈人云一

言語不富

誤詒丈人

遯 甘忍利害還相克敵商子酷刑鞅喪厥身

大壯 剗羊不當血少無美女執空筐不得桑根

隨之

晉 黜黜譙譙貧鬼相責無有歡怡一日九結之

既濟

明夷 兩足四翼飛入嘉國寧我伯姊子母相得

賁之 同人

家人 文山紫芝雍梁朱草生長和氣王以為寶

公尸侑食福祿來處

睽 絕世遊魂福祿不存精神渙散離其躬身

蹇 北辰紫宮衣冠立中含弘建德常受大福

解 伯蹇叔盲莫為守株失我衣裳代爾陰鄉鼎

離

損 兩女共室心不聊食亂髮如蓬憂常在中之艮

剝

益 去辛就蓼毒愈酷甚避穿遇坑憂患日生

夬 初病終凶季為死喪不見光明

姤 三鳥飛來自到逢時俱行先至多得大利同人

夬之

萃 鹿食山草不思邑里雖久无咎

升 羊腸九索相摧併前止須王孫乃能上天之損

夬履之師蠱之剝臨之巽

困 管仲遇桓得其願歡膠日殺糾振冠無憂笑

戲不莊空言妄行之明夷之旅

井 桀跖並處民困愁苦旅行遲遲晉連齊魯之復

離

革 魂孤無室衒損不食盜張氏饋見敵失肉

鼎 讒言亂國覆是為非伯奇乖離恭子憂哀之巽

觀

震 衛侯東遊惑於少姬亡我考妣久迷不來之乾

升旅之師

艮 鷄鳴同與思配無家執佩持鳧莫使致之漸

鼎

漸 義不勝情以欲自縈覬利危躬摧角折頸坤

豐復之坤 小過之升

歸妹 臣尊主卑權力日衰侵奪無光三家逐公

升之 巽

旅 叔仲善賈與喜為市不憂危殆利得十倍

巽 六蛇奔走俱入茂草驚於長路畏懼啄口井

兌中孚之家人

兌 水壞我里東流為海鳧鼈謹囂不可安居旅

歸妹

渙 飛不遠去卑廝內侍祿食未富渙之大畜

節 陰變為陽女化為男治道大通君臣相承屯

離未濟之 夫渙之旅

中孚 踐履危難脫厄去患入福喜門見誨大君

震之家人 兌之乾

小過 網密網縮動益感急困不得息

既濟 負牛上山力劣行難烈風雨雪遮遏我前

中道復還憂者得歡 同人之无妄訟之剝旅之睽

未濟 喁喁嘉草思降甘雨景風升上沾洽時澍

生我禾稼

旅之第五十六

旅 羅網四張鳥無所翔征伐困極飢渴不食 革之

泰兌之小過

乾 寄生無根如過浮雲立本不固斯須落去更

為枯樹 小畜之蠱

坤 人無定法綬降牛出蛇雄走趨陽不制陰宜

其家困

屯 衆鳥所翔中有大怪九身無頭魂驚魄去不

可以居 漸之蒙

蒙 封涿溝瀆灌瀆國邑人宿口中民多病疾

需 奮翅鼓翼翱翔外國逍遙徒倚來歸温室 損之

觀

訟 秋蠶不成冬種不生設王逆理棄其寵名

師 衛侯東遊惑於少姬亡我考妣久迷不來 乾之

升豐之震

比 鳥會雀合與惡相得鳴鴉相酬為心所賊

小畜 鳴鷄無距與雀格鬪翅折目盲為仇所傷

履 木生內蠹上下相賊禍亂我國

泰 延陵適魯觀樂太史車麟白顛知秦興起卒

兼其國一統為主 坎之剝大畜之離

否 輔相之好無有休息時行雲集所在遇福不

同人 牀傾簣折屋漏垣缺季姬不愜

大有 東入海口循流北走一高一下五邑失主

七夜六日死於水浦 睽之蹇

謙 羣虎入邑求索肉食大人守禦君失其國

豫 四亂不安東西為患退身山足無出邦域乃

得完全賴其生福 大有之睽

隨 叔盼抱冤祈子自邑乘遽解患羊舌以免賴

其生全 蹇之乾

蠱 延頸望酒不入我口深目自苦利得無有 訟之

益履之萃

臨 仁政之德參參日息成都就邑日受厥福 巽之

觀 牽頭擊尾屈折幾死彫世無仁不知所歸升之

大畜

噬嗑 教羊逐兔使魚捕鼠任非其人費日無功

需之噬嗑

賁 生角有尾張孽制家排揚逐狐張氏易公憂

禍重凶

剝 去安就危墜陷井池破我玉螭

復 茹芝餌黃塗飲玉英與神通流長無憂凶既濟

之蹇

无妄 體重飛難未能越關不離室垣震之

大畜 巢成樹折傷我彘器伯踶叔跌亡羊乃追

頤 六人俱行各遺其囊黃鵠失珠無以為明賁之

噬嗑

大過 播枝遷岐與母分離絕不相知大有之坤

坎 迎福開戶喜隨我後曹伯愷悌為宋國主

離 既痴且狂兩目又盲箕踞坐暗名為無用

咸 金梁鐵柱十年牢固完全不腐聖人安處

恒 畏糗荷糧與跖相逢欲飛不得為網所獲

遯 彭生為妖暴龍作災盜堯衣裳聚跖荷兵青

禽照夜三旦夷亡 鼎之遯 比之蒙

大壯 禍夫老婦不能生子鰥寡居處

晉 鷦鷯竊脂巢於小枝搖動不安為風所吹內

寒飄搖常憂殆危

明夷 素車木輿不任負重王子出征憂疑為咎

家人 土陷四維安平不危利以居止保其玉女

睽 負牛上山力劣行難烈風雨雪遮遏我前中

道復還 訟之 剝

蹇 金城鐵郭上下同力政平民親寇不敢賊

解 清潔淵塞為讒所言證訓詰情繫於枳温其

案聽斷昭然蒙恩 師之 蠱

損 臯陶聽理岐伯悅喜西登華道東歸无咎

益 低頭竊視有所畏避行作不利酒酸魚敗眾

莫貪噴 鼎之 解

夬 十雉百雛常與母俱抱鷄搏虎誰肯為娛

姤 高阜山陵陵地顛崩為國妖祥元后以薨

萃 六鷁退飛為襄敗祥陳師合戰左股疾傷遂

以崩薨霸功不成蹇之

升 異國殊俗情不相得金木為仇酋賊擅役家

濟之未

困 鴉噪庭中以戒災凶重門擊柝儕憂暴客

井 慈母赤子享賜得士獲夷服除以安王家側

陋逢時除疑作徐

革 迹造惡人使德不通炎旱為殃年穀大傷迹造

作遷延坤之大存

鼎 躬履孔德以帶束帶文王燎獵呂尚獲福號

稱太師封建齊國

震 征將止惡鼓鞞除賊慶仲奔莒子般獲福

艮 良夫淑女配合相保多孫壽子懽樂長久

漸 逶迤四牡思念父母王事靡盬不得安處渙之

復

歸妹 水壞我里東流為海龜鼉謹囂不得安居

豐之允

豐 束帛芟芟賻我孟空徵召送君處號易子

巽 乾行大德覆瞻六合嘔煦成熟使我福德

兌 秦併六國更相克賊獲惠質圍鄭被其咎

渙 晦昧昏冥君無紀綱甲子成亂簡公喪亡

節 三足無頭弗知所之心狂精傷莫使為明不

見日光 小畜之復

中孚 長夜短日陰為陽賊萬物空枯藏於北陸

夬之明夷謙之漸

小過 依宵夜遊與君相遭除煩解惑使我無憂

無或作先歸妹之大有

既濟 逐鹿南山知我入門陰陽和調國無災殘

長子出逃須其仁君 逃一作迎

未濟 請騁作耳嗇不我與驅我父母

巽之第五十七

巽 溫山松栢常茂不落鸞鳳以芘得其歡樂 鼎之

泰需之坤否之恒

乾 采唐沫卿要我桑中失信不會憂在鈎帶 无妄

之恒師之噬嗑

坤 有鳥飛來集于宮樹鳴聲畏惡主將出去 屯之

屯 仁政之德參參日息成都就邑日受厥福

蒙 他山之錯與璆為仇夾攻吾城傷我肌膚邦

家騷憂 明夷 冥蒙

需 齋貝贖狸不聽我辭繫於虎鬚牽不得來 震

咸萃之蹇否 之革隨之師

訟 一簧兩舌佞言諂語三姦成虎曾母投杼 師

乾

師 薄行搔尾逐雲涂水污泥為陸下田宜稷

比 天門九重澤內難通明登到算不見神公

小畜 闇昧不明耳聾不聰陷入深淵滅頂成凶

兌之 井

履 霧露早霜日暗不明陰陽孽疾年穀大傷

泰 三階土廓德義明堂交讓往來享燕相承箕

伯朝王錫我玄黃

否 爭鷄失羊利得不長陳蔡之患賴楚以安

同人 天旱水涸枯槁無澤未有所獲

大有 陶朱白圭善賈息貲公子王孫富利不貧

謙 龜厭江海陸行不止自令枯槁失其都市憂

悔无咎

豫 黃鳥採蓄既稼不答念吾父兄思復邦國

隨 田鼠野雛意當欲逃拘制籠檻不得動搖夫

謙需之隨

蠱 平國不君夏氏作亂烏號竊發靈公殞命既濟

之噬嗑臨之晉

臨 巨蛇大鱗戰於國郊上下閉塞君主走逃剝

艮

觀 讒言亂國覆是為非伯奇留離恭子憂哀鼎

鼎

噬嗑 鬱映不明為陰所傷眾霧集聚共奪日光

賁 望城抱子見邑不殆公孫上堂大君歡喜

剝 三蟲為蠱剝迹無與勝母盜泉君子弗處姤

觀觀之困

復 車馳人趨卷甲相求齊魯寇戰敗於犬丘復

小畜明夷之兌

无妄 欲訪子車善相欺給桓叔相迎不見所期

大畜 爭雉失羊亡其金囊利得不長陳蔡之患

賴楚以安歸妹之損

頤 歲暮花落陽入陰室萬物伏匿利不可得

大過 晨風文翰火舉就温過我成邑羿無所得

大壯之震小畜之革大過之豫

坎 持鵠抱子見蛇何咎室家俱在不失其所

離 隱隱大雷雩霈為雨有女癡狂驚駭隣里

咸 無足斷跟居處不安凶惡為患革之蹇

恒 破筐敝筥棄損於道不復為寶

遯 三鷄啄粟十雛從食飢飭卒擊亡其兩叔孚

之頤作八 雛從食

大壯 乘車七百以明文德踐土葵丘齊晉受福

兌之 剝

晉 百足俱行相輔為強三聖翼事王室寵光屯

履晉之坤遯之復井之履

明夷 典策法書藏在蘭臺雖遭潰亂獨不遇災

坤之大畜大有之恒中孚之恒

家人 西誅不服恃強負力倍道奔敵師徒敗覆

益之同人
需之屯

睽 春陽生草夏長條肆萬物蕃滋充實益有

之井

巽

蹇 礪磽秃白不生黍稷無以供祭祇靈代祀

解 褰衣涉河澗流浚多幸賴舟子濟脫無他

之坤

萃蹇
之師

損 宜行賈市所求必倍載喜抱子與利為友

未濟

之益大
過之恒

益 兄征東燕弟伐遼西大克勝還封君河間

夬 初雖驚惶後乃無傷受其福慶相孝為王

姤 隨風乘龍與利相逢田獲三倍商旅有功

憧之邑長安無他

萃 魚擾水濁寇圍吾邑城危不安驚恐狂惑

升 雖塞復通履危不凶保其明功以道立宗

困 坤厚地德庶物蕃植平康正直以綏大福

之泰

解賁之履渙
之解漸之復

井 山水暴怒壞梁折柱稽難行旅留連愁苦

之咸

豫

革 使燕築室身不庇宿家無聊賴織我衣服

鼎 矢石所射襄公痲據吳子巢門傷病不治

震 日月運行一寒一暑榮寵赫赫不可得保顛

隕墜墮更為士伍中孚

艮 宮門悲鳴臣圍其君不得東西

漸 戴盆望天不見星辰顧小失大福逃墻外賁

歸妹 天之所明禍不遇家反目相逐終得和美

豐 天陰霖雨塗行泥潦商人休止市無所有革

睽升之困
夫之大過

旅 善門福喜增累盛熾日就有得宜其家國

兌 南山之陽華葉鏘鏘嘉樂君子為國寵光革

大有

渙 畫龍頭頸文章未成甘言美語詭辭無名升

蒙蒙之噬嗑
家人之賁

節 嬰兒孩子未有知識彼童而角亂我政事

中孚 陰作大姦欲君勿言鴻鵠利口發其禍亂

荆季懷憂張伯被患

小過 德之流行利之四鄉雨師灑道風伯逐殃

巡狩封禪以告成功 萃之比 益之復

既濟 禹將為君裝入崑崙稍進陽光登見溫湯

功德昭明

未濟 五岳四瀆含潤為德行不失理民賴恩福

恒之井頤之 明夷離之恒

兌之第五十八

兌 班馬還師以息勞疲役失嘉言入戶見妻 觀

既濟 賁之 蠱剝之復

乾 踐履厄難脫去危患入福喜門見誨大君

家人豐 之中字

坤 子鉏執麟春秋作陰元聖將終尼父悲心 訟

同人豫之大 有革之震

屯 夾河為婚期至無船姪心失望不見所歡 屯

小畜

蒙 天孫帝子與日月處光榮於世福祿繁祉 解

臨

需 三年爭妻相隨奔馳終日不食精氣勞疲 乾

大畜坎之家
人年一作羊

訟 禹召諸神會稽南山執玉萬國天下安寧之姤

臨鼎之艮
損之旅

師 早霜晚雪傷害禾黍損功棄力飢無所食之比

遯豐之離
需之咸

比 嵩融持戟杜伯荷弩降觀下國誅逐無道憂

商之季失福逃走

小畜 主有聖德上配太極皇靈建中受我以福

家人之需
歸妹之需

履 下田陸黍萬華生齒大雨霖集波病漬腐

泰 子畏於匡困厄陳蔡明德不危竟克免害之渙

坎大過
之晉

否 有兩赤頭從五岳遊淫言無祐趨爾之丘俯

伏聽命不敢動搖

同人 當得自知不逢凶災衰來復興終得福來

大有 朽根枯樹華葉落去卒逢火焱隨風僵什

屯之坎噬嗑之否
艮之需夬之恒

謙 葛生衍蔓絺綌為願家道篤厚父兄悅喜

豫 東行求玉反得弊石名曰無直字曰醜惡衆

所賤薄家人之否

隨 瞻白用弦驚孱恐怯任力隨身如蝟見鵲偃

視怒腸不敢拒格

蠱 瘡痍多病宋公危殆吳子巢門無命失所

臨 東山西岳會合俱食為吳從送以成恩福

觀 舞非其處失節多悔不合我意

噬嗑 南循汝水伐樹斬枝過時不遇怒如周飢

賁 公孫駕驪載遊東齊延陵說產遺季紵衣良之

未濟

剝 乘輿八百以明文德踐土葵丘齊魯受福之

大壯

復 雄處弱水雌在海邊別離將食哀悲於心

无妄 結網得鮮受福安坐終無禍患

大畜 秋南春北隨時休息處和履中無有憂凶

頤 啓戶閉門巡狩釋寃夏臺羨里湯文悅喜

大過 符左契右相與合屬乾坤利貞乳生六子

長大成就夙言如毋

坎 飢蠶作室絲多亂緒端不可得

離 東壁餘光數暗不明主母嫉妒亂我事業之革

謙大壯之
恒謙之屯

咸 白茅醜酒靈巫拜禱神嗜飲食使君壽考

恒 范公陶朱巧賈貨資東之榮丘易字子皮抱

珠載金多得利歸

遯 三殺五祥相隨俱行迷入空澤經涉虎廬循

谷直北經涉六駁為所傷賊死於牙腹

大壯 雄鵠延頸欲飛入關兩師灑道織我袍裘

車重難前侍者稽首

晉 中年蒙慶今歲受福必有所得

明夷 祿如周公建國洛東父子俱封革之
明夷

家人 安牀厚褥不得久宿棄我嘉燕困於東國

投杼之憂不成禍災家人之睽
艮之節

睽 蓄積有餘糞土不居利有所得

蹇 心願所喜乃今逢時我得利福不離兵革既
濟

之復

解 目不可合憂來搔足怵惕危懼去其邦族萃
之

睽 夷

損 福德之士懽悅日喜夷吾相桓三歸為臣賞

流子孫

益 夏姬附耳心聽悅喜利後博取

夬 叔迎兄弟遇巷在陽君子季姬並坐鼓簧咸

震

姤 徙巢去家南遇白鳥東西受福與喜相得

萃 舜登大禹石夷之野徵詣王庭拜治水土乾

中孚師 之小畜

升 江河淮海天之都市商人受福國家富有

困 隱隱煩煩火燒山根下潤我隣獨不蒙恩賁

蹇

井 闇昧不明耳聾不聰陷入深淵滅頂憂凶巽

小畜

革 鳥鳴喑喑天火將下燔我館舍災及妃后中孚

鼎 十雉百雛常與母俱抱虎搏鷄誰敢難者

震 營城洛邑周公所作世建三十年歷八百福

祐盤結堅固不落井之

艮 三人俱行別離將食一身五心反復迷惑

漸 三虎搏狼力不相當如鷹格雉一擊破亡

歸妹 養虎畜狼還自賊傷年歲息長疾君拜禱

雖危不凶

豐 後時失利不得所欲

旅 雉兔之東以野為場見鷹奔走死於谷口

巽 秋蛇見穴不失其節夫人姜氏自齊復入

渙 鳥鳴巢端一呼三顛搖動東西危鬼不安

節 命天不遂死多為祟妻子啼暗早失其雄

中孚 菲屋結席崇我文德三辰旆旗家受行福

小過 羅網一張鳥無一翔征伐困極飢窮不食

既濟 天成地安積石為山潤給萬里人賴其歡

未濟 銅人鐵柱暴露勞苦終月卒歲無有休止

渙之第五十九

渙 望幸不到文章未就羊子逐兔犬蹄不得未濟

之兌謙
之既濟

乾 焱風阻越車馳竭竭棄名追亡失其和節憂

心惛惛需之
小過

坤 蛇得澤草不憂危殆

屯 兩犬爭鬪股瘡無處不成仇讐行解却去

蒙 因禍受福喜盈其室求事皆得

需 江有寶珠海多大魚亟行疾去可以得財節之

中孚

訟 三牛生狗以戌為母荆夷上侵伯姬出走坤之

震否之姤需之訟責之復

師 安息康居異國穹廬非吾習俗使伯憂惑

比 行觸天綱馬死車傷身無聊賴困窮乏糧

小畜 裸裎逐狐為人觀笑牝鷄司晨主母亂門

大有之咸

履 為季求婦家在東海水長無舡不見所歡屯之

蹇

泰 男女合室二姓同食婚姻孔云宜我多孫

否 天門帝室黃帝所直藩屏周衛不可得入常

安長在終無禍患

同人 齋金觀市欲置騶子猾偷竊發盜我黃寶

大有 三思俱行欲歸故鄉望邑入門拜見家親

謙 娶於姜女駕迎新婦少齊在門夫子悅喜

豫 伯仲旅行南求大牂孟長痛足倩季負囊柳

下之貞不失我邦

隨 潔身白齒衰老復起多孫衆子宜利姑舅

蠱 獨宿深夜嫫母畏晝平王逐建荆子憂懼

臨 追亡逐北呼還幼叔至山而得復歸其室未濟

之大過 需之渙

觀 馬飛無翼兔走折足雖欲會同未得其功

噬嗑 抱空握虛離之家利出不成離之家

賁 山作大池陸地爲海各得其所

剝 爲虎所嚙太山之陽衆多從者莫敢救藏

復 逶迤四牡息歸念母王事靡盬不得安處旅

漸

无妄 獼猴所言語無成全誤我白馬使口不至

一作使 乾口來

大畜 飛不遠去卑廝內侍祿養未富豐之 渙

頤 大尾細腰重不可搖陰權制國平子逐昭

大過 旦生夕死名曰嬰兒不可得祀小畜之升 未濟之乾

震之坤

坎 子畏於匡困於陳蔡明德不危竟免厄害

兌之

泰大過之晉坤之鼎

離 畏昏潛處候時昭朗卒逢白日為世榮主

震

咸 白鳥嚙餌嗚呼其子旋枝張翅來從其母

晉之

恒 宮商角徵五音和起君臣父子弟順有序唐

虞襲德國無災咎

遯 季姬踟躕望孟城隅終日至暮不見齊侯

豫之

巽

大壯 鬼哭於社悲傷無後甲子昧爽殷人絕祀

大過之坤

晉 天之所予福祿常在不憂危殆

小畜之遯損之遯臨之復

節之隨

明夷 比目附翼相待為福姜氏季女與君合德

家人 翁翁鞫鞫稍崩墜顛滅其令名長沒不全

泰之謙否之離益之坎

睽 折葉蔽目不見雉叔三足飛鳥遠去家室

師之

蒙人

蹇 羊腸九縈相催稍前止須王孫乃能上天之豐

升履之師蠱之剝損之屯

解 坤厚地德庶物蕃息平康正直以綏大福之秦

解與之困賁之履

損 有莘外野不逢堯主復歸窮處心勞志苦

益 聿長景行來觀柘桑止伯自喜都叔允臧

夬 周師伐紂戰于牧野甲子平旦天下喜悅之謙

噬嗑節之升

姤 踰江求橘并得大栗烹羊食豕飲食歌笑

萃 救筍在梁魴逸不禁漁父勞苦口焦喉乾虛

空無有遯之大過

升 生有陰孽制家非陽遂受還作張氏易休憂

禍重凶

困 絕域異路多有怪惡使我驚懼思我故處

井 迷行失道不得馬牛伯賈逃亡市沒無有

革 雌鷲生鵬神異興起乘雲龍騰民戴為父

鼎 疊疊纍纍如岐之室畜一息十古公治邑之恒

小過

震 瘡瘍疥瘙孝婦不省君多疣贅四時作災

艮 羊頭兔足羸瘦少肉漏囊敗粟利無所得剝之

恒既濟之訟

漸 孽蔑徙靡空無誰是言季不明樂減少解

歸妹 妹貌親熟敗君正色作事不成自為心賊

豐 四馬共轅東上泰山駢驪同力無有重艱與

君笑言剝之解

旅 陰變為陽女化為男治道得通君臣相衛豐之

節未濟之去屯之離

巽 南國少子才略美好求我長女賤薄不與反

得醜惡後乃大悔比之漸泰之震漸之困

兌 昭公失常季氏悖狂遜齊處野喪其寵光遯之

蠱

節 文山紫芝雍梁朱草生長和氣王以為寶公

尸侑食福祿來處同人之剝豐之家人

中孚 牽羊不前與心戾旋聞言不信誤紿丈人

小過 東山西山各自止安心雖相望竟不同堂

姤之坤漸之
屯中孚之賁

既濟 鹿求其子虎廬之里唐伯李耳貪不我許

隨之
否

未濟 三虎上山更相咆哮心志不親如仇與怨

姤之
小過

節之第六十

節 海為水王聰聖且明百流歸德無有叛逆常

饒優足不利攻玉所求弗得
未二句
疑衍

乾 虎豹怒咆慎戒外憂上下俱搔士民無聊

坤 探巢得雛鳩鵲俱來使我心憂

屯 日望一食常恐不足祿命寡薄

蒙 良馬疾走千里一宿離迷他鄉誰能追復

需 鵲巢鳩城上下不親內外乖畔子走失願

訟 雲龍集會征討西戎招邊定眾誰敢當鋒

師 春多膏澤夏潤優渥稼穡成熟畝獲百斛臨之

明
夷

比 僮妾獨宿長女未室利無所得豫之益蠱之
履乾之蒙

小畜 四野不安東西為患退身止足無出邦域

乃得全完賴其生福觀之小過旅之豫大有之睽

履 長寧履福安我百穀嘉賓上堂與季同林

泰 騏驥綠耳章明造父伯夙奏獻衰續厥緒佐

文成霸為晉元輔

否 張陳嘉謀贊成漢都主歡民喜其樂休休張良

陳平也

同人 大面長頭來解君憂遺吾福善與我嘉惠

大有 畏昏不行待且昭明燎獵受福老賴其慶

夫之損

謙 伯去我東首髮如蓬長夜不寐輾轉空牀內

懷惆悵憂摧肝腸婦之遜

豫 朽條腐索不堪施用安靜候時以待親知

隨 比目四翼相倚為福姜氏季女與君合德渙之

明夷

蠱 履墜升墀登高崔嵬福祿洋溢依天之威

臨 奢淫吝嗇神所不福靈祇憑怒鬼瞰其室

觀 大步上車南到喜家送我狐裘與福載來中孚

之泰未濟之坤

噬嗑 東行西步失次後合乾侯野井昭公失居
與彼作期不覺至夜

賁 喜樂踴躍來迎歡客鵲巢百兩以成嘉福多
獲利益

剝 非理所求誰肯相與往來不獲徒勞道路
復 北虜伺奴數侵邊境左衽為長國猶未慶

无妄 續事康域鍼折不成嬰兒短舌說辭無名
一作征不以理辭乃無名縱獲臣子伯功不成

大畜 景星明堂麟遊鳳翔仁施大行頌聲作興
豫之節 損之坤

頤 文明之世銷鋒鑄耜以道順昌百王不易
焚膏銷鋒鑄壓危凶 招來文德君安其國

大過 身飛無羽鷄鬪折距徒自長嗟誰肯為侶
一作不順其德自為凶咎

坎 羣隊虎狼噬彼牛羊道路不通妨人害商
離 商伯沉醉庶兄奔遠遊女蕩夫仁德並孤

咸 三狸搏鼠路過前後當此之時不能脫走
恒 陶叔孔圉不處亂國初雖未萌後受福慶

遯 奮翅鼓翼翱翔外國逍遙北域不入温室

大壯 德音孔博升在王室八極蒙祐受其福祿

晉 當變立權擣解患難渙然水釋大國以安升之

震

明夷 羽動角甘雨續草木茂年歲熟

家人 天所佑助福來禍去君王何憂

睽 方嗔廣口聖智仁厚釋解倒懸唐國大安小畜

之噬 嗑

蹇 葛藟蒙棘華不得實讒佞亂政使恩壅塞泰之

蒙 蠱之明夷 師之中孚

解 皇母多恩字養孝孫脫於襁褓成就為君

損 積水下溼北陸苦寒露宿多風君子傷心睽之

英

益 伯夷叔齊貞廉之師以德防患憂禍不存革之

否 歸妹之臨 中孚之解

夬 一雌二雄子不得公亂我族類使吾心憤

姤 主安多福天祿所伏居之寵昌君子有光

萃 千歲槐根身多斧癩樹維枯屈枝葉不出

升 周師伐紂勝殷牧野甲子平旦天下大喜謙

噬嗑渙
之夬復

困 日走月步趨不同舍夫妻反目主君失居豐

同人小畜之
同人豫之睽

井 宣勞就力為王主國安土成稷天下蒙福

革 諷德誦功美周盛隆夷且輔成光濟冲人明

之蒙益
之升

鼎 三夜不寢憂來益甚戒以危懼棄其安居

震 思願所之乃今逢時洗濯故憂并其懼來睽

艮

艮 尊尊備備夜行晝伏謀議我資來攻吾室空

盡已財幾無所食

漸 駢牛亡子鳴於大野申後陰徵還歸其母說

我除悔

歸妹 王良善御伯樂知馬周旋步驟行中規矩

止息有節延命壽考遯之
豫

豐 釋然遠咎避患革害田獲三狐以貝為寶

旅 仁獸所處國無凶咎市賈十倍復歸惠里

巽 六目俱視各欲有志一言不同乖戾生訟

兌 傳說休明驂御四龍周徑萬里無有危凶

渙 伯仲叔季日暮寢寐醉醒失明喪其貝囊卧

拜道旁謙之

中孚 江有寶珠海多大魚亟行疾至可以得財

渙之

小過 遠視千里不見所視離婁之明無益於耳

既濟 弱足則跟不利出門市賈無贏折亡為患

乾之

未濟 利盡得媒時不我來鳴雌深涉寡宿獨居

中孚之第六十一

中孚 鳥鳴喈喈天火將下燔我屋室災及妃后

兌之

乾 黃虹之野賢君所在管仲為相國無災咎

坤 叔梁有名相與合齒乾坤利貞乳生六子長

大成就風言如毋

屯 蝗齧我稻驅不可去實穗無有但見空藁豫之

師

蒙 嬰兒求乳母歸其子黃麋悅喜

需 折葉蔽日不見稚叔失旅亡民遠去家室

訟 狝羊羶首君子不飽年飢孔荒士民危殆

師 靈龜陸處盤桓失所伊子退耕桀亂無輔歸妹

之井歸妹之剝

比 威約拘囚為人所誣臯陶平理幾得脫免

小畜 鳥升鵲舉照臨東海龙降庭堅為陶叔後

封於蓼丘福履綏厚謙之頤需之大畜觀之頤

履 四目相視稍延同執日映之後見吾伯姊益之

需

泰 大步上車南至喜家送我狐裘與福載來節之

觀未濟之坤

否 穿都相合未敢面見媒妁無良使我不鄉

同人 鴻飛遵陸公母不復伯氏客宿剝之井

大有 代戊失期患至無聊懼以發難為我開基

邦國憂愁

謙 伯氏爭言戰於龍門構怨結禍三世不安

豫 周政養賊背生人足陸行不安國危為患

隨 蝸蟾歡喜草木嘉茂百果蕃生日益富有

謙之

解

蠱 薄災暴虎風吹雲却欲上不得復歸其宅

臨 乘騶駕驪遊至東齊遭遇行旅送我以貨厚

得利歸

觀 鳳生十子同巢共乳歡悅相保

噬嗑 桃雀鷓鴣巢於小枝動搖不安為風所吹

心寒慄搖常憂殆危

損之 渙

賁 東山西山各自止安雖相登望不得同堂

姤之

坤漸之屯 渙之小過

剝 匍匐出走驚懼皇恐白虎生孫蓐收在後

復 重弋射隼不知所定質疑著龜告以肥牡明

神答報宜利止居

无妄 開門內福喜至我側加以善祥為吾家宅

宮城洛邑以招文德

大畜 身飛狐鳴國亂不寧下強上弱為陰所刑

頤 三鷄啄粟八雛從食飢鷹卒擊失亡兩叔

大過 歎息不悅憂逆中出喪我金罍无妄失位

坎剛柔相呼二姓為家霜降既同惠我以仁家人

之損漸

離送我季女至於蕩道齊子且夕留連久處

咸低頭竊視有所畏避行作不利酒酸魚敗眾

莫貪嗜鼎之解

恒典策法書藏在蘭臺雖遭亂潰獨不遇災巽

明夷坤之大畜大有之恒

遯日醉病酒纏綿瘳愈獨不及咎

大壯畫龍頭頸文章未成甘言美語說辭不名

升之蒙蒙之噬嗑家人之賁

晉日月運行一寒一暑榮光赫赫不可得保顛

躓殞墜更為士伍巽之震

明夷爭利王市朝多君子蘇氏六國獲其榮寵

家人六蛇奔走俱入茂草驚於長塗畏懼啄口

井之兌豐之兌

睽懸貮素餐食非其任失輿剝廬休坐徙居頤

益

蹇歡欣九子俱見大喜攜提福至王孫是富

解 伯夷叔齊貞廉之師以德防患憂禍不存革之

否歸妹之
臨節之益

損 雄聖伏名人匿麟驚走鳳飛北亂潰未息否之

大過剝
之臨

益 久鰥無偶思配織女求其非望自令寡處

夬 破亡之國天所不福難以止息

姤 老慵多欲弊政為賊阿房驪山子嬰失國

萃 三殺六祥相隨俱行迷入空澤經涉虎廬為

所傷賊死於牙腹

升 噬嗑噉嚙味冥相搏多言少實語無成事

明
之豫謙
之乾

困 舞陽漸離擊筑善歌慕丹之義為燕荆軻陰

謀不遂霍目死亡功名何施

井 尹氏伯奇父子分離無罪被辜長舌為災

革 五精亂行政逆皇恩湯武赫怒天伐利域

鼎 西歷玉山東入玉門登上福堂飲萬歲漿

震 行觸忌諱與司命忤執囚束縛拘制於吏迷

人有喜

良機父不賢朝多讒臣君失其政保我久貧

漸三人俱行北求大狎孟長病足倩季負囊柳

下之貞不失我邦

歸妹 鵠思其雄欲隨鳳東順理羽翼出次日中

雖留比邑復歸其室 益之觀需之 離豐之泰

豐 常德自如不逢禍災 如一作加

旅 白鵠遊望君子以寧履德不愆福祿來成

巽 膚敏之德發憤忘食虜虜擒越為王得福 大有

困之

兌 百足俱行相輔為強三聖翼事王室寵光國

富民康 屯之履

渙 生不逢時困且多憂年老衰極中心悲愁

節 出門蹉跌看道後旅買羊逸亡所謂逃走空

手握拳坐狼為咎

小過 牧羊稻田聞虎喧謹畏懼惕息終無禍患

隨之漸井之 否剝之損

既濟 龍潛鳳池箕子變服陰孽萌作

未濟 國無比隣相與爭強紛紛凶凶天下擾攘

小過之第六十二

小過 初雖驚惶後反無傷受其福慶永永其祥

乾 積德累仁靈祐順信福祉日增

坤 謹慎重言不幸遭患周召述職脫免牢門

屯 鳥飛鼓翼喜樂堯德虞夏著功要荒賓服

蒙 牙蘗生齒室堂啓戶幽人利貞鼓翼起舞

需 使伯東求拒不肯行與叔爭訟更相毀傷

訟 手足易處頭尾顛倒公為雌姬亂其蠶織

師 匠卿操斧豫章危殆袍衣既剝祿命訖已

比 天女踞牀不成文章南箕無舌飯多砂糠

衆盜名雌雄折頸之益大畜

小畜 大椎破轂長舌亂國墻茨之言三世不安

履 銜命辱使不堪厥事中墜落去更為負載

泰 三蛇共室同類相得甘露時降生我百穀

否 衣繡夜遊與君相逢除患解惑使君不憂

同人 被髮獸心難與為隣來如風雨去如絕弦

為狼所賤

大有 剛柔相呼二姓為家霜降既同惠我以仁

家人之損中孚之坎漸之離

謙 牛耳聾聵不曉聲味委以鼎俎治亂潰潰

豫 低頭竊視有所畏避行旅不利酒酸魚餒衆

莫貪嗜鼎之解

隨 雨師娶婦黃巖季子成禮既婚相呼南上膏

我下土年歲大有否之坤恒之晉豐之比豐之大過

蠱 戴盆望天不見星辰顧小失大遁逃墻外賁

蒙巽之漸益之中孚

臨 二人輦車徙去其家井沸釜鳴不可以居

觀 攘臂反肘怒不可止狼戾腹心無與爲市

噬嗑 湯火之憂轉解喜來

賁 忠信輔成王政不傾公劉肇基文武綏之

剝 登高折木頓躓路險車傾馬疲叔伯嗟噓

復 桑方隕落黃葉敗散失勢傾側如無所立

无妄 鸞鳳翱翔集于國家念我伯姊與母相得

大畜 陰淫所居盈溢過度傷害禾稼

頤 霄冥高山道險峻難王孫罷極困於阪間

大過 和璧隋珠爲火所燒冥昧失明奪精無光

大棄於道傍

坎 虞君好田惠我老親恭承宗廟長慍不去復

我內事

離 爪牙之士怨毒祈父轉憂與已傷不及母謙

歸妹

咸 倉盈庾億宜稼黍稷年歲有息

恒 窻牖戶傍通利明光賢智輔聖仁德大行家

給人足海內殷昌大畜之升

遯 惻惻之患凶重與薦為虎所吞

大壯 水無魚滋陸為海涯君子失居小人相攜

晉 九疑鬱林沮溼不中鸞鳳所惡君子攸去无妄

之異

明夷 六翮泛飛走歸不及脫歸王室上其駢特

家人 不直莊公與我爭訟媒伯無禮自令壅塞

睽 倉庚多億宋公危殆吳子巢門殞命失所庚

作庚

蹇 失羊捕牛無損無憂

解 夏麥麩麩霜擊其芒疾君敗國使我誅傷泰

損 昧昧暗暗不知白黑風雨亂擾光明伏匿幽

王失國

益 執斧破薪使媒求婦和合二姓親御飲酒色

比毛嬙姑公說喜

夬 六疾生狂癡走妄行北入患門與禍為鄰

姤 驅羊就羣狼不肯前慶季復諫子之被患

萃 二人異路東趨西步十里之外不知相處

升 義不勝情以欲自營覩利為躬折角摧頸

困 騷騷擾擾不安其類疾在頸項凶危為憂

井 三河俱合水怒湧躍壞我王室民困於食

革 陽曜早疾傷病稼穡農人無食

鼎 流浮出食載豢入屋釋轡繫馬西南廡下

震 門戶之居可以止舍進士不殆安樂相保

艮 過時不歸雌雄苦悲徘徊外國與母分離咸之

遯豫之大壯

漸 中田有廬疆場有瓜獻進皇祖曾孫壽考

歸妹 失時無友覆家出走何如喪狗

豐 反鼻岐頭二寡獨居

旅 衣裳顛倒為王來呼成就東周封受大福

巽 飛不遠去還歸故處興事多悔

兌 含血走禽不曉五音匏巴鼓瑟不悅於心

渙 求玉獲石非心所欲祝願不得

節 山崩谷絕大福盡歇涇渭失紀玉石既已

中孚 雜目懼怒不安其居散漫府藏無有利得

既濟 眾邪充側鳳凰折翼微子復比去其邦國

未濟 六月采芑征伐無道張仲叔季孝友飲酒

離之坎

既濟之第六十三

既濟 玄兔捐掌與足相視證訊詰問註情自侶

死誣難告口為身禍

乾 游駒石門駮耳安全受福西隣歸隱玉泉

坤 陽春草生萬物風興君子所居禍災不到

屯 人無足法紱除牛出雄走羊驚不失其家

蒙 太山上奔變見太傲陳吾廢忽作為禍患

需 乘龍光土先暗後明燎獵大得太師以昌

訟 羊頭兔足羸瘦少肉漏囊貯粟利無所得之漁

艮剝之恒

師 因禍受福喜盈其室螟蟲不作君無苛惑

比 舜升大禹石夷之野徵詣黃門拜治水土乾

中孚豫之小畜兌之萃

小畜 烏子鵲雛常與母居顧類羣聚不離其巢

履 夷羿所射發輒有獲增加倉鷹雙鳥俱得

泰 晨風文翰火舉就温昧過我邑羿無所得小畜

之革大過之豫大壯之震

否 六喜三福南至歡國與喜同樂嘉我潔德

同人 鬪龍股折日就遂明自外為主弟伐其兇

大有 蒙慶受福有所獲得不利出域

謙 蠻夷戎狄太陰所積涸水沍寒君子不存

豫 畏昏潛處候時昭明卒遭白日為榮祿主

隨 水流趨下欲至東海求我所有買鮪與鯉姤

否損之需益之无妄

蠱 冠帶南遊與福喜期微為嘉國釋為逢時

臨 莎鷄振羽為季門戶新沐彈冠仲父悅喜

觀 結衿流弼遭讒桎梏周召述職身受大福

噬嗑 田鼠野鷄意常欲逃拘制籠檻不得運搖

夫之謙需之
隨巽之隨

賁 居華山巔遊觀浮雲有雨不濡心樂無憂

剝 傾倚將顛亂不能存英雄作業家困無年

復 心願所喜乃今逢時保我利福不離兵革兌

蹇

无妄 靈龜陸處盤桓失所阿衡退耕夏封於國

大畜 弱水之右有西王母生不知老與天相保

不利行旅

頤 抱瑰求金日暮坐吟終身卒歲竟無成功

大過 言笑未畢憂來暴卒身加檻纜囚繫縛束

坎 望幸不至文章未成王子逐兔犬蹄不得未濟

兌

離 震悚恐懼多所畏忌行道留難不可以步

咸 雄狐綏綏登山崔嵬昭告顯功大福允興

恒 火起吾後喜炙我庶蒼龍含水深暎吾柱雖

憂无咎

遯 危坐至暮請求不得膏澤不降政戾民忒之剝

頤需之頤 漸之坎

大壯 孟春和氣鷹隼搏鷙眾雀憂潰

晉 緩法長姦不能理寃沉酒失節君受其患

明火 魚鼈貪餌死於網釣受危囚寵為身殃咎

家人 金精耀怒帶劍過午徘徊高原宿於山谷

兩虎相距弓矢滿野震之豫

睽 四月相望精近同光並坐鼓簧

蹇 茹芝餌黃飲酒玉漿與神流通長無憂凶

解 求獐嘉鄉惡蛇不行鹵岐口還復反其床

損 天門地戶幽冥不觀不知所在觀一作睹

跛足息肩有所忌難金城鐵郭以銅為關藩

屏息衛安止無患遯之旅

夬 三雁俱飛欲歸稻池經涉山澤為矢所射

姤 濟深難渡濡我衣袴王子善濯決無他故

萃 飲酒醉飽跳趨爭鬪伯傷叔僵東家治喪之比

鼎大畜之 晉益之蒙

升 跛躓未起失利後市蒙被殃咎不得鹿子

困 辰次降婁建星中堅子無遠行外顛霄陷遂
合訖終

井 商風召寇來呼外盜間謀內應與我爭鬪殫
已寶藏主人不勝

革 甘露醴泉太平機關仁德感應歲樂民安

鼎 蔡仲子突要門逐急禍起子傷弟代其兄鄭
文不昌

震 反孽難步留不及舍露宿澤陂亡其襦袴
艮 狼虎結謀相聚為保伺候牛羊病我商人

漸 明德克敏乘輿貢舉放勲御用又哲蒙佑

歸妹 貧鬼守門日破我盆毀罍破甕空虛無子
損之 剝

豐 天命赤烏與兵徼期征伐無道箕子遨遊
旅 威約拘囚為人所誣臯陶平理剖械出牢脫

歸家閭

巽 羊驚虎狼聳耳羣聚無益威僵為齒所傷

兌 初雖啼號後必慶笑光明照耀百嘉如意

渙 馬服長股宜行善市蒙祐諧偶獲金五倍

節 應門內崩誅賢殺暴上下咸愜景公失位長

歸元沮望妻不來

中孚 執斧破薪使媒求婦好合二姓親御斯酒

色比毛嬙姑悅公喜小過之益

小過 兩輪日轉南上大阪四馬共轅無有險難

與禹笑言黃之需

未濟 千柱百梁終不傾僵周家寧康

未濟之第六十四

未濟 志慢未習單酒糗脯鼓至神前欲求所願

反得大患

乾 旦生夕死名曰嬰鬼不可得祀渙之大過震之坤小過之

升

坤 大步上車南至喜家送我狐裘與福喜來節之

觀大過之困中孚之泰

屯 西多小星三五在東早夜晨行勞苦無功大過

之夫

蒙 北陸藏冰君子心悲困於粒食鬼驚我門

需 山泉暴怒壞梁折柱稽難行旅留連愁苦

訟 比目四翼來安吾國福喜上堂與我同林損

隨同人之
允比之離

師 狡兔趨趨良犬逐昨雄雌爰爰為鷹所獲

比 增祿益福喜來入室解除憂惑

小畜 騎龍乘鳳上見神公彭祖受制王喬贊通

巫咸就位拜福無窮家人
之剝

履 天火卒起燒我旁里延及吾家空盡已財

泰 金帛苛寶宜與我市嫁娶有息利得萬倍

否 鬼魅之居凶不可舍

同人 飛鳥逐兔各有畏惡鵠鷹為賊亂我室舍

大有 初雖驚惶後乃無傷受其福慶

謙 兩金相擊勇氣均敵日月鬪戰不破不缺

豫 曳綸河海掛釣魴鯉王孫利德以享仲發一作

友

隨 犬畏虎狼依人作輔三夫執戟伏不敢起身

安无咎

蠱 蜘蛛作網以伺行旅青蠅囓聚觸我羅城為

網所得死於網羅

臨 所望在外鼎命方來拭爵滌盥炊食待之不
為季憂

觀 日月並居常暗匪明高山崩顛丘陵為溪蹇
成

噬嗑 春服既成載華復生莖葉茂盛實穗泥泥

賁 華首山頭仙道所遊利以居止長无咎憂

剝 三狐嗥哭自悲孤獨野無所由死於丘室

復 火中暑退求藿其食商人不至市空無有

无妄 獨 山顛求糜耕田草木不闢秋饑無年

大畜 火雖熾在吾後寇雖近在吾右身安吉不

危殆 歸妹之震

頤 齟齬譎譎貧鬼相責無有懽怡一日九結豐

晉

大過 追亡逐北呼還幼叔至山而得反歸其室

渙之臨 需之渙

坎 銜命辱使不堪厥事遂墮落去更為欺吏

離 被珠銜玉沐浴仁德應聘唐國四門穆穆螽

賊不作凶惡伏匿

咸 機關不便不能出言精誠適通為人所究

恒 甕破缶缺南行亡失

遯 唇亡齒寒積日凌根朽不可用為身災患

大壯 蒙惑憧憧不知西東魁罡指南告我失中

利以宜止去國憂患

晉 烏鴟搏翼以避陰賊盜伺二女賴厥生福旱

災為疾君無黍稷

明夷 名成德就項領不伐景公耄耄尼父避去

家人 言與心詭西行東望鯀湮洪水佞賊為禍

睽 獫狁匪度治兵焦元伐鎬及方與周爭疆獲

戎其駕衰及夷王 未句一作以安我王

蹇 三火起明雨滅其光高位疾顛驕恣

解 陰涿川決水為吾崇使我潰心毋

凶殆

損 厭浥晨夜道多湛露沾我襦袴重難以步

益 宜行賈市所求必倍載喜抱子與利為友 大過

之恒翼之損

夬 陰變為陽女化為男治道得通君臣相承 渙

旅豐之節
屯之雜

姤 淵菽牡荆生翳山旁仇敵皆憎孰肯相迎

萃 坐茵乘軒握德宰臣虞叔受命六合和親

升 雲興菽日雨集草木年茂歲熟

困 播枝折岐與母別離絕不相知旅之大過

井 天旱水涸枯槁無澤困於沙石未有所獲

革 圭璧琮璜執贄三百里寧戚應聘齊秦

鼎 龍渴求飲雲黑京從河伯捧醴跪進酒漿流

潦滂滂

震 電梅零蒂心思積憤亂我雲氣

艮 鹿求其子虎廬之西唐伯李耳貪不我許之

既濟隨
之否

漸 穿匏挹水構錢燃火勞瘦力竭饑渴為禍

歸妹 龍生馬淵壽考且神舍宿軒轅居樂長安

豐 崔嵬北岳天神貴客温仁正直主布恩德衣

冠不已蒙受天福

旅 鬼夜哭泣齊失其國為下所賊

巽 二政多門君失其權三家專制禍起季孫

兌 望幸不到文章未就三子逐兔犬跡不得渙卦

渙 伯虎仲熊德義淵弘使布五教陰陽順序

節 兩足四翼飛入家國寧我伯姊與母相得

中孚 春秋禱祝解禍除憂君無災咎

小過 牧羊稻園聞虎誼謹畏懼悚息終無禍患

剝之損井之否隨之漸

既濟 大蛇巨魚相搏於郊君臣隔塞郭公出廬

焦氏易林卷之四 終

焦氏易林

